

平陰縣志

嘉慶十三年重修

平陸縣志

本衙藏板

新修平陰縣志序

昔者孔子修春秋爲諸史
鼻祖班固修漢書創諸史
凡例厥後司馬通鑑朱子
綱目諸書皆有一代偉人
起而修之以成信史郡邑

平陰縣志

序

一

有志義取職方而文仿史
記考政治紀風俗疆域有
志文行有傳使夫忠臣義
士孝子順孫莫不觀感而
興起非良有司未易董其
成也平陰蕞爾邑而創建

山川之名勝藝文之炳烺
尙可按籍而稽不至失墜
而後此百五十年中凡典
章文物以及潛德幽光罔
有記者謂非有司之過耶
先是戊子歲予初習舉子

業讀山東朱勉亭先生頌
解文心竊喜之願識其人
先生爲邑名宿林適以承
乏來宰是邦是天假之緣
文章有神典型斯在得不
爲文獻足徵之厚幸與先

生非公不至予急造廬請
謁歡若生平乃以縣志商
修卽慨然引爲已任爰相
與置局擇邑之才而慎事
者使分任校讐采訪務周
纂輯必當其有一言一行

關乎忠孝廉節者不濫不
遺務使百年廢墜臻于完
善不誠勝任愉快哉是書
綱領條目悉仍舊志其所
增益者皆勉亭先生手訂
計數閱月而成書以等劑

劂費戊辰春始克付梓異
日者家藏一編不特色之
風土人情得所考據而自
賢士大夫以及愚夫愚婦
知嘉言懿行咸足附是書
以傳當更有互相淬礪者
則上而以佐

聖天子之化理下而以致黎庶
之信從其功之見于纂修
與采訪者不綦備與若夫
謏陋如予學製于茲旣日
兢兢以不克稱職爲懼矧

一行作吏學殖人蕪又安
敢侈言述作幸賴諸君子
之力獲觀是書之成將見
風俗以新紀綱以肅是則
予所厚望于斯邑者也後
有作者更能繼續而增訂

之庶傳之久遠不至以不
醇不備爲憾也夫

嘉慶十三年歲在戊辰五
月下澣知平陰縣事南昌

喻春林撰



新修平陰縣志序

予自辛酉歲需次山左每
代理各州縣事必索觀志
書用以廣見聞而資治理
乙丑秋題補平陰時尙攝
篆東平丙寅夏杪抵任下

平陰縣志

序

一

車卽閱縣志四冊篇帙散
逸殘缺失次蓋自順治已
丑邑令三韓陳公司貞修
之距今已百五十餘年前
此之天文地理科名宦蹟
戶口田賦風俗物產以及

最古有明以前書缺有間
自嘉靖年間邑令何樊諸
公始纂厥志至順治七年
陳公秉直輯而修之發潛
德之幽光揚無前之美績
而平陰縣志得列於

平陰縣志

序

二

皇朝一統志內迄今百有餘年
矣莅斯土者上無采風之
雅下無蒐輯之賢幾致一
邑之餘風遺俗嘉言懿行
湮沒而無聞者不知凡幾
君子惜之夫莫爲之前雖

美而弗彰莫爲之後雖盛
而弗傳喻君賢者也以江
右知名士舉孝廉來宰茲
邑治數載而政成慨然以
修邑志自任延邑中能文
者孝廉朱君叅稽商確仿

春秋諸史之體要共治其
書其發凡起例剪裁斷制
或文直而事覈或文贍而
事詳悉歸精當洵可與古
史並傳矣今年夏志成請
序於余余不文何能爲序

顧念前守惕庵公余先伯
兄也乾隆庚戌守泰安時
曾題詩記於平志閱今十
有餘年流風善政猶有傳
播之者余以去年六月復
奉

命擢守茲土治才學問愧不逮
伯兄又任事日淺并不如
喻君治其邑之賢且久今
得是志而覽之凡山川文
物及方俗沿革罔弗瞭如
指掌旣羨喻君之學任兼

優無慙循吏能偕諸君子
相與有成焉且更令吾摩
娑簡編重益人琴之感也
爰贅數語以自勵兼勗同
官焉

嘉慶十三年戊辰夏閏五

平陰縣志

序

五

月知泰安府事陽湖徐日
簪序



平陰縣志序

邑志修於太僕何敬菴先生明季之亂典籍散軼我

大清宣鼎三韓陳公秉直來莅茲土夙夜憂勤百廢俱舉乃延趙君紫垣張君也顛而囑以修志之事兩先生蒐輯舊乘殘缺之

平陰縣志

序

一

餘猶獲大半復採所未備數月而書成迺郵致京師求裁定於吾伯曾祖大司空公未及寄回陳公遷判鹺政逾數年廣西陳公肇華林適奉

詔修大清一統志復延趙君紫垣張君清嘯兩先生與之謀不閱月而告竣

故平邑舊志兩部並存雖小有異
同要亦純備無譏矣迺自康熙十
三年迄今

皇帝嘉慶十二年計一百三十餘年矣
其中制度之損益人物之變遷
科第之盛衰仕宦之多寡以及德
行文章之莠節孝貞烈之選其

平陰縣志

序

二

可以信今而傳後者當未易更僕
數乃至嘉修終晦於溝瀆裔孫
莫名其高曾非憾事與今幸江右
南昌喻公

特簡為吾邑宰而前年在泰郡新公
已屢為吾邑折訟事平允明決
物望之歸也有日矣甫下車即

索縣志於吏吏曰邑舊有志今已殘
缺刻版半朽壞邑中存是書者
亦寡公慨然曰有是哉烏有縣志
百餘年而不修者乎夫平陰東
依岱岳西接聊城南近聖人之居
北望京畿之盛羣山繞其前大河
環其後始為魯地秉禮之遺澤猶

平陰縣志

序

三

存繼屬齊疆表海之流風未遠是
固人文之藪得失之林也而日月云
邁事蹟湮沒而不彰是則余之責
也夫僕以病廢杜門不出者垂二十
年公不知其弁鄙屏儀從顧予
於鄉商所以修縣志事余愧且謝
既而思之前人謙讓留以待後人後

人復譖之後人不更無所考據耶乃
遵公命翻閱舊志其已往之蹟
不敢妄為增減而其後之宜續入者
則公命書吏查辦彙卷付余
核校孝義節烈等項則同學
具呈公保公覆查詳確而後列
名其慎重也如此始於丁卯初夏

兩閱月而告竣蓋公以至公之心為
至正之舉故人心踴躍而事易集
也公方將新文廟修明倫堂葺
諸生於書院而親教之此皆為政之
大且遠者也至於詞訟之末簿書
之煩公直鳴琴理之矣

嘉慶十二年歲次丁卯戊子解元

序
江蘇徐州府碭山縣知縣朱續孜謹

平陰縣志

序

五